

QK. 282

v. Aeschel

Za
133

Der Römischen Keyserl. auch zu Hungere
vnd Böhheim Königl. Majestät/Herrn/

Herrn FERDINANDI

des Andern etc. Unsers allergnädigsten
Käysers vnd Herrn.

X 2044109

Jeremiae Aescheln I. C. Schön-
burgischen Rath vnd Hauptmann/ aller gnädigst

ertheilte Comitiv, oder privilegium Comitatus Palatini, ne-
ben andern besondern Wohlthaten vnd
Indulten / etc.



Gedruckt Im Jahr 1629.



3
Erstlich die ...
und ...

Erstlich die ...
und ...

Erstlich die ...
und ...

Erstlich die ...
und ...



Erstlich die ...
und ...



Er Ferdinand

der Ainder von Gottes Gnaden Erwehlter Römischer Kaiser zu allen Zeiten mehrer des Reichs/ in Germanien/ zu Hungarn/ Böhheim / Dalmatien / Croatien vnd Selavonien/

etc. König/ Erzherzog zu Osterreich / Herzog zu Burgund/ zu Brabant/ zu Steyr/ zu Kärnten/ zu Crain/ zu Lützenburg/ zu Württemberg/ Ober vnd Nieder Schlesien/ Fürst zu Schwaben/ Marggrafe des heiligen Römischen Reichs/ zu Burgaw/ zu Mähren / Ober vnd Nieder Lausnitz/ Gefürster Grafe zu Habsburg/ zu Tyrol/ zu Pfürdt/ zu Kyburg vnd zu Görz/ Landgrafe in Elsas/ Herr auff der Windischen Marck / zu Porttenaw vnd zu Salmitz / etc.

Bekennen offentlich mit diesem Brieff/ vnd thun kundt allermänniglich / wiewol wir aus Römisch Kaiserlicher Höhe vnd Würtigkeit/darein vns der allmächtig nach seinem Göttlichen Willen gesetzt hat / auch angeborner Güte vnd Mildigkeit allzeit geneigt seyn/ aller vnd jeder vnsern/vnd des heiligen Reichs/ auch vnserer Erb Königreich/ Fürstenthumb vnd Lande vntertha-

A ij

nen

thanen vnd getrewen Ehr/ Nutz / auffnehmen vnd
bestes zubetrachten vnd zu befördern/ So würdet
doch vnser Käyserl. Gemüth vielmehr bewegt/ den
vnser Gnad vnd Sanfftmütigkeit mit zutheilen/
auch ihren Namen vnd Stammen in höhere Ehre
vnd Würde zu setzen/ Deren Vor Eltern
vnd Sie / in altem Erbarn redlichen
Stand herkommen/ defgleichen sich Adelt
cher Güter/ Sitten/ Tugend/ Wandel vnd Wesens
befliessen/ vnd vns dem heiligen Reich/ vnd vnsern
löblichen Haus Oesterreich/ mit stäter vntertheni
ger/ getrewer vnd beständiger dienstbarkeit vor an
dern gehorsamlich anhängig vnd verwand seynd.

Wann Wir nun gnädiglich angesehen/ war
genommen vnd betrachtet/ die Erbarkeit/ Redlig
keit/ Erfahrung/ Adeltich gute Sitten/ Tugend
vnd Vernunft darin Vns vnser getrewer lieber
Hieremias Meschel berühmt worden/ auch
die angenehm/ getreue gehorsam/ Nutz vnd ersprieß
liche Dienst/ so nicht allein seine Vor Eltern/ vnsern
höchstgeehrten Vorfahren am Reich/ Römischen
Käysern vnd Königen zu Krieg- vnd Friedens Zei
ten/ in viel vnterschiedliche Weg erzeiget vnd erwie
sen/ als nemlich seine Vhrahn: vnd Groß Väter
beede Hans Meschel genandt/ in vnterschied
lichen

lichen Feld Zügen/wieder die Benediger/Schwel-
ker vnd Hungarn/auch den Erbfeind Christlichen
Namens den Türcken/für Soldaten sich dapffer
vnd Mannhaft gebrauchen lassen/Ebenmessig
sein Vater Georg Meschel bey Einnehmung
der Festung Gotha sich Ritterlich verhalten/vnd
nach deren Eröberung den Kriegen in Franckreich
nachgesezt/nicht weniger auch sein Bruder Hans
Meschel im Sechzehenhundert vnd ersten Jahr
bey einnehmung der Vestung Stuel Weissenburg
in Hungarn sein Leben Ritterlich geendet vnd auff-
geben/Sondern auch ermelter Hieremias Me-
schel/hinsüro vns/dem heiligen Reich/vnd vn-
serm löblichen Haus Oesterreich nicht weniger zu
thun vnd zu leisten des vnterthänigsten erbietens ist/
auch wol thun kan/mag vnd soll.

So haben Wir demnach mit wolbedachten
Muth/gutem Rath vnd rechter wissen/bemelden
Hieremien Meschel/diese besondere Guad
gethan vnd Freyheit gegeben/vnd Ihne mit allen
vnd jeden seinen Ehelichen Leibes Erben/vnd der-
selben Erbens Erben/Manns vnd Weibsperso-
nen in Ewigzeit/in den Stand vnd Grad des
Adels/onserer vnd des heiligen Reichs/auch ander-

*Nobilita-
tio.*

ker vnserer Erbkönigreich/ Fürstenthumb vnd Lan-
de/rechtgeborne Lehn Thurnirs genos Edelleuten
erhebt/darzu gewürdiget/ geschöpfft/geadelt/ vnd
Sie der Schaar gesellschaft vnd Gemainschafft
des Adels zugesügt/zugesellet vnd vergleicht/ aller-
massen vnd Gestalt/ als ob sie von Vater/ Mutter
vnd Geschlechten beedersaits rechtgeborne Lehns
Thurnirsgenos vnd Rittermässige Edelleute weh-
ren/ Vnd zu mehrer Bezeugniß vnd Gedächtniß/
solcher vnserer Käyserl. Gnaden vnd erhebung in
den Standt vnd Grad des Adels/ haben Wir ge-
dachtet Hieremien Neschel seinen Ehelichen
Leibes Erben/ vnd derselben Erbens Erben/ Manns
vnd Weibspersonen/ dis hernach geschriebene Ade-
liche Wappen vnd Kleinod/ So mit Namen ist/
Ein schwarzer Schild/ dorinnen auffrechts drey
neben einander gelb oder Goldfarb gestelte Sen-
len/ deren die mittlere etwas lengers/ vnd oben mit
einer Goldfarben Königlichen Kron gezieret ist/
in mitte dadurch einwärts/ ein mit auffgethanen
Flügeln zum flug geschickter junger Adler/ seiner
Natürlichen Farb erscheinet/ auff dem Schildt ein
freyer offener Adeltlicher Thurnirshelm beedersaits
mit schwarz vnd gelben Helindecken/ vnd darob ei-
ner Goldfarben Königlichen Kron gezieret/ dar-
aus abermals zwischen zweyen mit den Mundlö-
chern

hern außwärts gefehrten/ vnd jedes in mitte ober
schwerch in zween gleiche Theil also abgetheilten
Püffelhörnern/ deren das hintere unten gelb oder
Goldfarb/ obere schwarz: vordere aber unten
schwarz vnd oben gelb ist erscheinet/ die mittler vn-
ten im Schild beschriebene gelb oder Goldfarb ge-
frönte Seulen darzwischen/ alsdan solch Adeltich
Wappen vnd Kleinod/ sampt seiner Zier/ auff der Wappen.
ersten seiten im nechstfolgenden Blat gemahlet/ vnd
mit Farben eigentlicher außgestrichen ist/ gnediglich
verliehen vnd gegeben.

Thun daß vnd geben Ihnen solche Gnad vnd
Freiheit/ Erheben/ würdigen vnd setzen sie also in
den Stand vnd Grad des Adels/ Adeln/ gesellen/
gleichen vnd fügen Sie zu der Schaar/ Gesell-
schafft vnd Gemeinschaft unserer vnd des heiligen
Reichs/ auch ander unserer Erbköntreich/ Fürsten-
thumb vnd Landrechtgeborenen Lehns vnd Thur-
nirs genos Edelleuten/ verleihen/ geben/ gönnen vnd
erlauben Ihnen auch obgeschriebene Adeltich Wap-
pen vnd Kleinod also zu führen vnd zu gebrau-
chen/ alles aus Römisch Kaiserlicher Macht/ voll-
kommenheit hiemit wissentlich in Krafft dis Brieffs/
Vnd meinen/ setzen vnd wollen/ daß nun fürbas hin
obgemelter Hieremias Meschel/ seine Ehelt-
che Leibs Erben/ vnd derselben Erbens Erben/
Manns

Manns vnd Weibspersonen für vnd für in Ewig-
zeit rechtgeborene Lehns Thurnirsgenosß Edelleut
seyn/geheissen/vnd von männiglich an allen Orten
vnd Enden/ in allen vnd jeglichen Handeln/
Geschäften vnd Sachen Geistlichen vnd Weltli-
chen also gehalten/geehrt/genant vnd geschrieben
werden/auch darzu alle vnd jegliche Gnad/Ehr/
Würde/Vorthel/Recht/Gerechtigkeit/Altherkomi-
men vnd gut Gewonheit haben/mit Beneficien auff
Thumbstifften/hohen vnd niedern Ambtern vnd
Lehn/Geistlichen vnd Weltlichen anzunehmen / zu
empfangen/zuhaben vnd zu tragen mit anderen vns-
ern vnd des Reichs/auch vnserer Erb Königreich/
Fürstenthumb vnd Lande / rechtgeborene Lehns
Thurnirsgenosß Edelleuten / in all vnd jegliche
Thurnir zureiten / zu Thurnieren / mit ihnen Lehn
vnd all andere Gericht vnd Recht zu besitzen / Vor-
thel zu schöpfen vnd Recht zu sprechen / auch der
vnd aller anderer Adelichen Sachen / Handlungen
vnd Geschäften inner vnd außershalb Gerichts
theilhaftig/würdig/empfanglich vnd darzu taug-
lich/schicklich vnd gut seyn/vnd sich dessen alles auch
vorberührtem Adelichen Wappen vnd Kleinod/in
allen vnd jeglichen Ehrlichen/Redlichen/Adelichen
Sachen / Handlungen vnd Geschäften zu
Schimpff vnd zu Ernst/ in Stürmen/Streiten/
Kempff

Lehnsgenosß Leuten/Lehn / vnd all ander Gerichte
vnd Recht zu besitzen/ Brihel zu schöpfen vnd
Recht zu sprechen / dessen alles theilhaftig/ wür-
dig/ empfindlich/ vnd darzu tauglich/ schicklich vnd
gut seyn/ in Geist/ vnd Weltlichen Ständen vnd
Sachen/ sich dessen alles frewen/ gebrauchen vnd
geniessen sollen vnd mögen/ als andere vnser vnd
des heiligen Reichs/ auch vnserer Erb Königreich/
Fürstenthumb/ vnd Lande/ Lehn vnd Wappens
genosß Leute/ solches alles haben/ vnd sich dessen
frewen/ gebrauchen vnd geniessen/ von Recht oder
Gewonheit von allermänniglich vnverhindert.

Doch soll Er Aeschel sein fleissig auffsehen
haben/ daß Er in Krafft dieser vnser Käyserl. Frey-
heit vnd Gnad vnsern Käyserl. oder Königlichen
Adler/ auch anderer Fürsten/ Grafen oder Frey-
herrn Alt Erblich Wapen vnd Kleinod/ darzu ein
oder mehr Königliche Kronen auff den Helm nicht
verleihe / Welches Wir vns hiermit vorbehalten
haben wollen.

Ferner thun vnd geben Wir mehrbemelten
Hieremien Aeschel noch darzu diese besonde-
re Gnad vnd Freyheit/ also vnd dergestalt/ daß Er
seine Eheliche Leibes Erben/ vnd derselben Erbens
Erben/ Mann vnd Weibspersonen/ nun hinfüro
Ewig

*Cera rub.
ra.*

Ewiglich/in allen vnd jeglichen ihren Besieglun-
gen oder Pettechafften/grossen vnd kleinen offnen
vnd beschlossenen Brieffen vnd Schrifften/ so von
Ihnen mit Ihrem anhangenden oder auff getruck-
ten Insiegeln vnd Pettechafften bekräftiget/ vmb
was Sachen oder wie das wehre gegen Uns/ vnd
sonst Jedermänniglich/ was Würden/ Stand oder
Besens die seynd/ ein Roth Wachs gebrauchē/ vnd
damit Ihrer Notthurfft vnd Gelegenheit nach bes-
siegeln/ vnd Pettechafften sollen vnd mögen/ von
allermänniglich vnderhindert.

Vnd gebieten darauff allen vnd Jed-
den Churfürsten/ Fürsten/ Geist-vnd
Weltlichen Prelaten/ Grafen/ Freyen/
Herrn/ Rittern/ Knechten/ Landmar-
schalchen/ Lands Hauptleuten/ Land-
Vögten/ Hauptleuten/ Bisdomen/
Vögten/ Pflegern/ Berwesern/ Ambt-
leuten/ Landrichtern/ Schultheissen/
Bürgermeistern/ Richtern/ Rätthen/
Bürgern/ Gemeinden/ vnd sonsten al-
len andern vnsern/ vnd des Reichs/
auch

auch vnserer ErbKönigreich / Fürstenthumb vnd Landen / Vnterthanen vnd getrewen / in was Würden / Standt oder Wesens die seynd / ernstlich vnd vestiglich mit diesem Brieff / vnd wollen das Sie offtgenanten Hieremiam Meschel seine Eheliche Leibs Erben / vnd derselben Erbens Erben / Mann vnd Weibspersonen für vnd für in Ewigzeit / als andere vnserer / vnd des heiligen Reichs / auch vnserer ErbKönigreich / Fürstenthumb vnd Landen / Rechtgeborne Lehns Thurnirsgenosß / vnd Kittermessige Edelleute / in allen vnd jeglichen Geistlichen vnd Weltlichen Ständen / Stifften vnd Sachen / wie vorstehet annehmen / halten / zu lassen / würdigen / Ehren / vnd an den oberzehnten vnsern Käyserl. Gnaden / Freyheiten / Privilegien / Ehren / Würden / Vortheiln /

L ij

theln /

theln/Recht/Gerechtigkeiten/Gewon-
heiten/Gesellschafften/Gemeinschaff-
ten/vnd erhebung in den Stand vnnnd
Grad des Adels/wie auch vorbeschrie-
benen Adelichen Wappen vnd Kleinot/
sambt der roten Wachs Freyheit/ vnd
Ihne Aeschel an vorbegriffnen *Palatinat*
vnd dessen anhengigen Lebenlengigen
Freyheiten/Puncten/Clausulen vnd Ar-
tikeln/ alles Inhalts vnnnd Begriffs/
für sein Person nicht hindern noch ir-
ren/sondern Sie deren in Allen vnd Je-
den/Ehrliche Redlichen/Adelichen/ vnd
Kitterlichen Sachen/Handlungen vnd
Geschefften inner vnnnd außserhalb Ge-
richts geruhig/vnnnd ohne alle Irrung
gebrauchen/genissen vnd gänzlich dar-
bey bleiben lassen/auch darwieder nicht
thun/noch jemandes andern zu thun ge-
gestatten/in kein weiß noch weg/ als
lieb

lieb einem jeden seye / vnser vnnad des
Reichs schwere Bngnad vnd Straff /
vnd darzu ein Poen / nemblich Sechzig
Marck Löttigs Golds zu vermeiden /
die ein Jeder so oft er freventlich hier
wieder thete / Vns halb in vnserer / vnd
des Reichs Cammer / vnd den andern
halben Theil vielgedachten Hieremien
Neschel seinen Ehelichen Leibs Erben /
vnd derselben Erbens Erben vnnach
leßlich zu bezahlen verfallen sein solle.

Mulda 60
Marc. au-
ri puri.

Doch andern die vielleicht dem vor
geschriebenen Adelichen Wappen vnnad
Kleinoth gleich führten / an denselben
Ihren Wappen vnnad Rechten vnvor
griffen vnd vnschädlich.

Mit Ihrkund dis Brieffs / bestie
gelt mit vnserm Kayserl. anhangenden
Insiegel / der geben ist auff vnserm Kö
niglichen Schloß zu Prag / den eilfften

E ij

Tag

Tag des Monats Octobris nach Chri-
sti onfers lieben Herrn vnd Seligma-
chers. Geburt / im Sechzehen Hundere
Sieben vnd zwanzig unserer Reiche /
des Römischen im Neunden / des Hun-
garischen im Zehenden / vnd des Böhe-
mischen in Elfften Jahre.

Ferdinandt.

La 133

Ue

Ph. v. Stralendorff m. pp.
Ad mandatum sacrae Caesaræ
Majestatis proprium.

M. Arnoldin Marstaind m. pp.
Registor Freising.



107

QK. 282

v. A. c.

Der Römischen Keyserl
vnd Böhheim Königl. S

Herrn FERD

des Andern etc. Vnse
Käysers vnn

Jeremiae Mesch
burgischen Rath vnd Hau
ertheilte Comitio, oder privilegi
ben andern besondern
Indulten



Gedruckt Im

